



Concello de Folgoso do Courel

Anuncio

Por Decreto da Alcaldía nº 2023 - 0284, de 06 de setembro de 2023 resolveuse aprobar a convocatoria para o presente exercicio de 2023 das subvencións en réxime de concorrencia competitiva que se rexerán pola bases reguladoras que constan nas Bases de Execución do Orzamento de 2023 e que son as seguintes:

BASES REGULADORAS PARA A CONVOCATORIA PÚBLICA DE SUBVENCIÓNS PARA A CELEBRACIÓN DE FESTAS PARROQUIAIS, ANO 2023

1.- OBXECTO E FINALIDADE. ACTIVIDADE SUBVENCIONABLE.

Estas normas teñen por obxecto establecer os criterios e os procedementos para a concesión de subvencións municipais do Concello de Folgoso do Courel para a **colaboración do Concello na celebración das festas parroquiais** ao abeiro do artigo 25.2 m) da Lei 7/1985, de 2 de abril, reguladora das Bases de Réxime Local na redacción dada pola Lei 27/2013, de 27 de decembro, de racionalización e sostenibilidade da Administración Local: promoción da cultura.

Os principios ós que se suxeitarán os procedementos de outorgamento de subvencións son os seguintes: publicidade, transparencia, concorrencia, obxectividade, igualdade e non discriminación, eficacia, eficiencia, voluntariedade e non vinculación para futuras subvencións.

A presentes bases teñen por obxecto regular o establecemento de axudas económicas para a celebración das festas parroquiais en réxime de concorrencia non competitiva de acordo co artigo 19.2 da Lei 9/2007, de 13 de xuño, de subvencións de Galicia.

Serán actividades subvencionables ó abeiro das presentes Bases aqueles **gastos derivados da realización de actividades e programas relacionados coas festividades locais levadas a cabo no período comprendido entre o 1 de xaneiro e o 15 de decembro de 2023, non sendo subvencionables gastos de comidas.**

O importe das axudas en ningún caso poderá ser de tal contía que, illadamente ou en concorrencia con outras subvencións ou axudas doutros organismos públicos ou privados, supere o custo da actividade subvencionada.

2.- BENEFICIARIOS.

Os beneficiarios das axudas serán as asociacións, comisións e organizadores das festas populares que se celebren en calquera parroquia ou lugar do municipio de Folgoso do Courel, sempre que quede debidamente acreditado que contan coa debida representación da organización da festa na parroquia ou lugar en cuestión.

A tal efecto, a solicitude de subvención poderá instarse ben polo representante das asociacións debidamente constituídas ou ben polo representante da comisión ou agrupación de veciños da parroquia ou lugar na que se celebrara a festa.

As festas populares deberán contar coas autorizacións necesarias para a súa celebración.





Concello de Folgoso do Courel

Para ostentar a condición de beneficiario, as asociacións, comisións e organizadores das festas populares que representen a unha agrupación de veciños deberán reunir os seguintes requisitos:

- a) Non ser debedor do Concello por calquera tipo de débeda de dereito público.
- b) Estar ao corrente das obrigas tributarias coa Administración estatal, autonómica e coa Seguridade Social.
- c) Non estar incurso en ningunha causa de incompatibilidade ou prohibición das mencionadas no artigo 13 da Lei 38/2003 e concordantes da Lei 9/2007 de subvencións de Galicia.

Os beneficiarios terán as seguintes obrigas co Concello de Folgoso do Courel:

1. Cumprir o obxectivo, realizar a actividade ou adoptar o comportamento que fundamenta a concesión da axuda de acordo coa memoria presentada. A subvención destinarase exclusivamente ós fins para os que foi concedida, quedando expresamente prohibida calquera alteración de destino non autorizada polo Concello.
2. Someterse ás actuacións de comprobación e control financeiro que poidan realizar os órganos de control competentes, aportando, para elo, canta información lles sexa requirida.
3. Comunicar ó Concello a obtención doutras subvencións de calquera entidade pública ou privada.

3.- CRÉDITO ORZAMENTARIO E CONTÍA DAS AXUDAS

O importe de cada subvención non poderá superar os 100,00 € por festa e os 500,00 € no caso das celebradas nos dous núcleos de maior entidade: Folgoso do Courel e Seoane do Courel.

O importe máximo a subvencionar será de 2.000,00 €, importe a consignar na aplicación 338.48 do orzamento municipal para o exercicio 2023.

No caso de que o número de solicitudes sexa superior o importe establecido como máximo, reducirase proporcionalmente.

4. SOLICITUDE E DOCUMENTACIÓN A ACHEGAR

4.1 PRAZO.

As solicitudes deberán presentarse ata o **15 de novembro de 2023**.

4.2. LUGAR.

Rexistro Xeral do Concello de Folgoso do Courel.

4.3 DOCUMENTACIÓN QUE SE DEBERÁ XUNTAR.





Concello de Folgoso do Courel

- 1) Solicitud, segundo modelos normalizados que se facilitarán polo Concello, asinado por persoa física ou representante da entidade organizadora da festa.
- 2) Fotocopia do CIF no caso de persoas xurídicas e do NIF no caso de persoas físicas. No caso de que se trate dunha agrupación de persoas ou comisión de festas, tódolos membros que se encargaran da organización da festa deberán subscribir unha declaración onde se indique o nome de cada un deles, así como tamén o do representante da comisión ou organización. Así mesmo, deberase achegar copia dos documentos de identidade de cada un dos organizadores da festa.
- 3) Memoria explicativa da actividade realizada, con especificación da data, lugar de realización, obxectivo e fins concretos a que se destinarán os fondos que no seu caso sexan concedidos.
- 4) Declaración responsable da entidade solicitante na que conste as subvencións e/ou axudas solicitadas para a mesma finalidade, con expresión da súa contía, comprometéndose a comunicar ó Concello a concesión de calquera outra axuda de Entes públicos ou privados.
- 5) Declaración responsable de non estar incurso nas prohibicións para obter a condición de beneficiario e de non ser debedor á Facenda Estatal, Autonómica e Local, nin á Seguridade Social.
- 6) Datos bancarios da conta á que se poderá transferir o importe da subvención, debidamente **certificada** pola entidade bancaria.
- 7) Facturas e demais documentación de valor probatorio ou equivalente con validez no tráfico xurídico mercantil e eficacia administrativa. As facturas deberán estar seladas e asinadas **debendo constar o recibo do pagamento**. En caso de que o pagamento se realice por transferencia bancaria deberá presentarse extracto ou xustificante bancario.
- 8) Calquera outro documento que se considere de interese para a mellor avaliación da subvención e calquera outra documentación que lle sexa solicitada polo Concello en relación co outorgamento da subvención.

5.- PUBLICIDADE

A convocatoria destas axudas publicarase no Boletín Oficial da Provincia, no taboleiro de anuncios do Concello e na Base de Datos Nacional de Subvencións e farase por Decreto da Alcaldía.

6.- PROCEDEMENTO

O órgano competente para a concesión das axudas será a ALCALDESA, previo informe da INTERVENCIÓN MUNICIPAL.

O acordo de concesión ou denegación será motivado, quedando constancia no expediente dos fundamentos da resolución que se adopte. As axudas concedidas notificaranse individualmente no prazo máximo de tres meses, a contar dende a finalización do prazo de presentación de solicitudes e en todo caso antes do 31 de decembro de 2023, e publicaranse no taboleiro de anuncios do concello.





Concello de Folgoso do Courel

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do Concello, poderá dar lugar á modificación da resolución.

7.- XUSTIFICACIÓN E PAGAMENTO

O pagamento destas axudas realizarase mediante transferencia bancaria, tra-la súa xustificación por medio da presentación da documentación anteriormente relacionada.





Concello de Folgoso do Courel

BASES REGULADORAS PARA A CONVOCATORIA DE AXUDAS PARA A ADQUISICIÓN DE LIBROS E MATERIAL ESCOLAR DO ALUMNADO DE EDUCACIÓN INFANTIL (2º CICLO) DO CPI POETA UXÍO NOVONEYRA DO CONCELLO DE FOLGOSO DO COUREL

1.- OBXECTO E FINALIDADE. GASTO SUBVENCIONABLE.

O obxecto das presentes bases é a concesión de axudas a familias para a adquisición de libros de texto e material escolar do alumnado matriculado en Educación Infantil (2º ciclo) no CPI Poeta Uxío Novoneyra do Concello de Folgoso do Courel en réxime de concorrencia non competitiva, de acordo co artigo 19.2 da Lei 9/2007, de 13 de xuño, de subvencións de Galicia.

Os principios ós que se suxeitarán os procedementos de outorgamento de subvencións son os seguintes: publicidade, transparencia, concorrencia, obxectividade, igualdade e non discriminación, eficacia, eficiencia, voluntariedade e non vinculación para futuras subvencións.

Considéranse gastos subvencionables os derivados da adquisición de libros de texto e material escolar do alumnado matriculado en Educación Infantil (2º ciclo) no CPI Poeta Uxío Novoneyra.

2.- BENEFICIARIOS.

Os beneficiarios serán os alumnos/as matriculados/as en Educación Infantil (2º ciclo) no CPI Poeta Uxío Novoneyra do Concello de Folgoso do Courel.

As axudas poderán ser solicitadas polos pais/nais ou titores/as do alumnado sempre e cando se reúnan os seguintes requisitos:

- a) Que todos os membros da unidade familiar estean empadroadas e teñan residencia efectiva no Concello de Folgoso do Courel. Na unidade familiar enténdense incluídos os pais/nais ou titores/a do/a alumno/a, de se-lo caso, e os irmáns/irmás non emancipados/as, salvo existencia de sentenza ou convenio regulador onde conste a custodia do/a alumno/a.
- b) Que os fillos/as ou titorizados/as se encontren cursando estudos de Educación Infantil de 3 a 5 anos no CPI Poeta Uxío Novoneyra, no curso 2023-2024.
- c) Que ningún membro da unidade familiar sexa debedor/a da Facenda Municipal, Autonómica e Estatal, así como da Seguridade Social
- d) Que ningún membro da unidade familiar teña pendente de xustificación algunha subvención outorgada polo Concello de Folgoso do Courel.
- e) Que ningún membro da unidade familiar estea incurso/a nalgunha das prohibicións para obter a condición de beneficiario/a recollidas nos artigos 10 da Lei 9/2007, do 13 de xuño de subvencións de Galicia e 13 da Lei 38/2003, de 17 de novembro, Xeral de Subvencións.

As persoas beneficiarias terán as seguintes obrigas co Concello de Folgoso do Courel:

1. Cumprir a actividade obxecto da subvención, é dicir, realizar o gasto en libros e material escolar para os cursos nos que se acredite a matriculación.





Concello de Folgoso do Courel

2. Cumprir todos os requisitos recollidos no punto 2 das bases reguladoras.
3. Someterse ás actuacións de comprobación da veracidade dos datos reflectidos na documentación presentada, así como do cumprimento dos requisitos para a concesión da axuda e colaborar co concello nas ditas actuacións.
4. Comunicar ao Concello de Folgoso do Courel calquera modificación nas circunstancias esixidas para a concesión da axuda.

3.- CRÉDITO ORZAMENTARIO E CONTÍA DAS AXUDAS

As axudas serán como máximo de 100 euros por cada fillo/a que estea cursando estudos de Educación Infantil (2º ciclo) de 3 a 5 anos no CPI Poeta Uxío Novoneyra, no curso 2023-2024.

O importe máximo a subvencionar será de 1.100,00 €, importe a consignar na aplicación orzamentaria 326.48 do orzamento municipal para o 2023.

Poderá incrementarse esta contía prevista en función das solicitudes presentadas e de acordo coa dispoñibilidade de crédito. Dita ampliación poderá acordarse por Resolución da Alcaldía e deberá publicarse nos mesmos medios que esta convocatoria, sen que tal publicidade implique a apertura de prazo para presentar novas solicitudes nin o inicio dun novo cómputo de prazo para resolver.

4.- SOLICITUDE E DOCUMENTACIÓN NECESARIA

4.1 PRAZO.

As solicitudes deberán presentarse ata o **15 de novembro de 2023**.

4.2. LUGAR.

Registro Xeral do Concello de Folgoso do Courel.

4.3 DOCUMENTACIÓN QUE SE DEBERÁ XUNTAR.

As solicitudes achegaranse mediante modelo normalizado subscrito pola persoa interesada (pai/nai/titor legal). A presentación de dita solicitude comportará a autorización ao órgano xestor para a comprobación dos datos que constan na mesma ante os organismos ou entidades correspondentes.

Cada solicitude deberá ir acompañada da seguinte documentación:

- 1) Fotocopia do DNI de todos os membros da unidade familiar maiores de idade
- 2) Fotocopia do libro de familia, e, no seu caso, sentenza xudicial de separación ou divorcio e/ou convenio regulador onde conste a custodia do/a alumno/a, de se-lo caso.
- 3) Certificado expedido polo CPI Poeta Uxío Novoneyra, acreditativo de que a persoa solicitante cursa estudos no mesmo.
- 4) Declaración responsable onde se manifeste que tódolos membros da unidade familiar se encontran ao corrente no cumprimento das súas obrigas tributarias, coa Seguridade





Concello de Folgoso do Courel

Social e co Concello, e que ningún deles se encontra incurso en ningunha das prohibicións para contratar.

- 5) Declaración doutras axudas solicitadas ou concedidas para a mesma actuación.
- 6) Datos bancarios da conta á que se poderá transferir o importe da subvención, na cal deberá figurar como titular algún dos representantes legais do/a menor debidamente **certificada** pola entidade bancaria.
- 7) **Facturas xustificativas onde figure como concepto o detalle da compra dos libros e/ou material escolar** que se vaia utilizar polos menores durante o curso escolar 2023/2024.
- 8) Calquera outro documento que se considere de interese para a mellor avaliación da subvención e calquera outra documentación que lle sexa solicitada polo Concello en relación co outorgamento da subvención.

5.- PUBLICIDADE.

A convocatoria destas axudas publicarase no Boletín Oficial da Provincia, na sede electrónica do Concello e na Base de Datos Nacional de Subvencións e farase por Decreto da Alcaldía.

6.- PROCEDEMENTO.

O órgano competente para a concesión das axudas será a ALCALDÍA, previo informe da INTERVENCIÓN MUNICIPAL.

O acordo de concesión ou denegación será motivado, quedando constancia no expediente dos fundamentos da Resolución que se adopte. As axudas concedidas notificaranse individualmente no prazo máximo de tres meses, a contar dende a finalización do prazo de presentación de solicitudes e en todo caso antes do 31 de decembro de 2023, e publicaranse na sede electrónica do Concello.

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do Concello, poderá dar lugar á modificación da Resolución.

7.- XUSTIFICACIÓN E PAGAMENTO

O pagamento destas axudas realizarase mediante transferencia bancaria, tra-la súa xustificación por medio da presentación da documentación prevista no apartado 4.3 das presentes bases reguladoras.





Concello de Folgoso do Courel

BASES REGULADORAS PARA A CONVOCATORIA DE AXUDAS PARA A ADQUISICIÓN DE MATERIAL ESCOLAR DO ALUMNADO DE EDUCACIÓN PRIMARIA E SECUNDARIA DO CPI POETA UXÍO NOVONEYRA DO CONCELLO DE FOLGOSO DO COUREL

1.- OBXECTO E FINALIDADE. ACTIVIDADE SUBVENCIONABLE.

O obxecto das presentes bases é a concesión de axudas a familias para a adquisición de material escolar do alumnado matriculado en Educación Primaria e de Educación Secundaria no CPI Poeta Uxío Novoneyra do Concello de Folgoso do Courel en réxime de concorrencia non competitiva de acordo co artigo 19.2 da Lei 9/2007, de 13 de xuño de subvencións de Galicia.

Os principios ós que se suxeitarán os procedementos de outorgamento de subvencións son os seguintes: publicidade, transparencia, concorrencia, obxectividade, igualdade e non discriminación, eficacia, eficiencia, voluntariedade e non vinculación para futuras subvencións.

Considéranse gastos subvencionables os derivados da adquisición de **material escolar** do alumnado matriculado en Educación Primaria e Educación Secundaria no CPI Poeta Uxío Novoneyra do Concello de Folgoso do Courel.

2.- PERSOAS BENEFICIARIAS

Os beneficiarios serán os alumnos/as matriculados/as en Educación Primaria e Educación Secundaria do CPI Poeta Uxío Novoneyra do Concello de Folgoso do Courel.

As axudas poderán ser solicitadas polos pais/nais ou titores/as das/os alumnas/os que reúnan os seguintes requisitos:

- a)** Que todos os membros da unidade familiar estean empadroadas e teñan residencia efectiva no Concello de Folgoso do Courel. Na unidade familiar enténdense incluídos os pais/nais do/a alumno/a, e os irmáns/irmás non emancipados/as, salvo existencia de sentenza ou convenio regulador onde conste a custodia do/a alumno/a.
- b)** Que os fillos/as ou tutorizados/as se encontren cursando estudos de Educación Primaria ou Secundaria no CPI Poeta Uxío Novoneyra, no curso 2023-2024.
- c)** Que ningún membro da unidade familiar sexa debedor/a da Facenda Municipal, Autonómica e Estatal, así como da Seguridade Social
- d)** Que ningún membro da unidade familiar teña pendente de xustificación algunha subvención outorgada polo Concello de Folgoso do Courel.
- e)** Que ningún membro da unidade familiar estea incurso/a nalgunha das prohibicións para obter a condición de beneficiario/a recollidas nos artigos 10 da Lei 9/2007, do 13 de xuño de subvencións de Galicia e 13 da Lei 38/2003, de 17 de novembro, Xeral de Subvencións.

As persoas beneficiarias terán as seguintes obrigas co Concello de Folgoso do Courel:

1. Cumprir a actividade obxecto da subvención, é dicir, realizar o gasto en material escolar para os cursos nos que se acredite a matriculación





Concello de Folgoso do Courel

2. Cumprir todos os requisitos recollidos no punto 2 das bases reguladoras
3. Someterse ás actuacións de comprobación da veracidade dos datos reflectidos na documentación presentada, así como do cumprimento dos requisitos para a concesión da axuda e colaborar co concello nas ditas actuacións
4. Comunicar ao Concello de Folgoso do Courel calquera modificación nas circunstancias esixidas para a concesión da axuda

3.- CRÉDITO ORZAMENTARIO E CONTÍA DAS AXUDAS

As axudas serán como máximo de 50 euros por cada fillo/a que estea cursando estudos de Educación Primaria ou Secundaria no CPI Poeta Uxío Novoneyra, no curso 2023-2024.

O importe máximo a subvencionar será de 1.100,00 €, importe a consignar na aplicación orzamentaria 326.48 do orzamento municipal para o 2023.

Poderá incrementarse esta contía prevista en función das solicitudes presentadas e de acordo coa dispoñibilidade de crédito. Dita ampliación poderá acordarse por Resolución da Alcaldía e deberá publicarse nos mesmos medios que esta convocatoria, sen que tal publicidade implique a apertura de prazo para presentar novas solicitudes nin o inicio dun novo cómputo de prazo para resolver.

4.- SOLICITUDE E DOCUMENTACIÓN NECESARIA

4.1 PRAZO.

As solicitudes deberán presentarse ata o **15 de novembro de 2023**.

4.2. LUGAR.

Registro Xeral do Concello de Folgoso do Courel.

4.3. DOCUMENTACIÓN QUE SE DEBERÁ XUNTAR.

As solicitudes chegaranse mediante modelo oficial subscrito pola persoa interesada (pai/nai/titor legal). A presentación da dita solicitude comportará a autorización ao órgano xestor para a comprobación dos datos que constan na mesma ante os organismos ou entidades correspondentes.

Cada solicitude deberá ir acompañada da seguinte documentación:

- 1) Fotocopia do DNI de todos os membros da unidade familiar maiores de idade
- 2) Fotocopia do libro de familia, e, no seu caso, sentenza xudicial de separación ou divorcio e/ou convenio regulador onde conste a custodia do/a alumno/a, de se-lo caso.
- 3) Certificado expedido polo CPI Poeta Uxío Novoneyra, acreditativo de que a persoa solicitante cursa estudos no mesmo.
- 4) Declaración responsable onde se manifeste que tódolos membros da unidade familiar se encontran ao corrente no cumprimento das súas obrigas tributarias, coa Seguridade





Concello de Folgoso do Courel

Social e co Concello, e que ningún deles se encontra incurso en ningunha das prohibicións para contratar.

- 5) Declaración doutras axudas solicitadas ou concedidas para a mesma actuación.
- 6) Datos bancarios da conta á que se poderá transferir o importe da subvención, na cal deberá figurar como titular algún dos representantes legais do/a menor, debidamente **certificada** pola entidade bancaria.
- 7) **Facturas xustificativas onde figure como concepto o detalle da compra do material escolar** que se vaia utilizar polos alumnos durante o curso escolar 2023/2024.
- 8) Calquera outro documento que se considere de interese para a mellor avaliación da subvención e calquera outra documentación que lle sexa solicitada polo Concello en relación co outorgamento da subvención.

5.- PUBLICIDADE

A convocatoria destas axudas publicarase no Boletín Oficial da Provincia, na sede electrónica do Concello e na Base de Datos Nacional de Subvencións e farase por Decreto da Alcaldía.

6.- PROCEDEMENTO

O órgano competente para a concesión das axudas será a ALCALDÍA, previo informe da INTERVENCIÓN MUNICIPAL.

O acordo de concesión ou denegación será motivado, quedando constancia no expediente dos fundamentos da Resolución que se adopte. As axudas concedidas notificaranse individualmente no prazo máximo de tres meses, a contar dende a finalización do prazo de presentación de solicitudes e en todo caso antes do 31 de decembro de 2023, e publicaranse na sede electrónica do Concello.

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do concello, poderá dar lugar á modificación da Resolución.

7.- XUSTIFICACIÓN E PAGAMENTO

O pagamento destas axudas realizarase mediante transferencia bancaria, tra-la súa xustificación por medio da presentación da documentación prevista no apartado 4.3 das presentes bases reguladoras.





Concello de Folgoso do Courel

BASES REGULADORAS DA CONVOCATORIA DE AXUDAS PARA O TRANSPORTE DE ESTUDANTES DO CONCELLO DE FOLGOSO DO COUREL

1.- OBXECTO E FINALIDADE. ACTIVIDADE SUBVENCIONABLE.

Estas bases teñen por obxecto regular axudas económicas que contribúan a sufragar os gastos de desprazamento cos que ten que correr o alumnado que, estando empadroado no Concello de Folgoso do Courel, estude fora do termo municipal Bacharelato, Formación Profesional ou Formación Universitaria, durante o curso 2023.

As axudas concederanse en réxime de concorrencia non competitiva, de acordo co artigo 19.2 da Lei 9/2007, de 13 de xuño, de subvencións de Galicia.

Considéranse gastos subvencionables os derivados dos **desprazamentos que se tiveran que realizar polos beneficiarios dende a súa residencia, que necesariamente deberá estar situada no municipio de Folgoso do Courel, ata o municipio no que se atope o centro de ensinanza no que desenvolvan os seus estudos de Bacharelato, Formación Profesional ou Formación Universitaria.**

2.- BENEFICIARIOS

É beneficiario o/a alumno/a que, estando empadroado no municipio de Folgoso do Courel, estude fora do termo municipal algunha das seguintes titulacións, que deberán estar en todo caso sostidas con fondos públicos, durante o curso 2023 sempre e cando se cumpran as condicións que se establecen neste apartado 2: Bacharelato, Formación Profesional ou Formación Universitaria.

As axudas poderán ser solicitadas por algún representante legal do alumnado que estime pooda resultar beneficiario, ou polos/as propios/as alumnos/as, se son maiores de idade, sempre e cando se cumpran os seguintes requisitos:

- Que todos os membros da unidade familiar estean empadroadas e teñan residencia efectiva no Concello de Folgoso do Courel. Na unidade familiar enténdense incluídos os pais/nais do/a alumno/a, e os irmáns/irmás non emancipados/as, salvo existencia de sentenza ou convenio regulador onde conste a custodia do/a alumno/a.
- Que o/a alumno/a teña entre 16 e 30 anos de idade cumpridos no ano en curso.
- Que o/a alumno/a non teña ingresos propios.
- Que o/a alumno/a curse estudos de Bacharelato, Formación Profesional ou Universitaria sostidos con fondos públicos durante o curso 2023.
- Tódolos membros da unidade familiar deberán atoparse ao corrente dos seus deberes tributarios coa Facenda, coa Seguridade Social e co Concello de Folgoso do Courel.
- Non ter pendente de xustificación ningunha subvención outorgada polo Concello de Folgoso do Courel.
- Non estar incurso ningún membro da unidade familiar nas prohibicións para obter a condición de beneficiario, recollidas no artigo 10 da Lei 9/2007, do 13 de xuño de subvencións de Galicia e no artigo 13 da Lei 38/2003, de 17 de novembro, Xeral de Subvencións.





Concello de Folgoso do Courel

3.- CRÉDITO ORZAMENTARIO E CONTÍAS DAS AXUDAS

As axudas serán como máximo de 330 euros por cada solicitante.

O importe máximo a subvencionar será de 2.700,00 €, importe a consignar na aplicación orzamentaria 326.48 do orzamento municipal para o 2023.

Poderá incrementarse esta contía prevista en función das solicitudes presentadas e de acordo coa dispoñibilidade de crédito. Dita ampliación poderá acordarse por Resolución da Alcaldía e deberá publicarse nos mesmos medios que esta convocatoria, sen que tal publicidade implique a apertura de prazo para presentar novas solicitudes nin o inicio dun novo cómputo de prazo para resolver.

O importe das axudas en ningún caso poderá ser de tal contía que, illadamente ou en concorrencia con outras subvencións ou axudas doutros organismos públicos ou privados, supere o custo da actividade subvencionada.

4.- SOLICITUDE E DOCUMENTACIÓN NECESARIA

4.1 PRAZO.

As solicitudes deberán presentarse ata o **15 de novembro de 2023**.

4.2. LUGAR.

Rexistro Xeral do Concello de Folgoso do Courel.

4.3 DOCUMENTACIÓN QUE SE DEBERÁ XUNTAR.

As solicitudes achegaranse mediante modelo normalizado subscrito pola persoa interesada ou polo seu representante legal. A presentación da dita solicitude comportará a autorización ao órgano xestor para a comprobación dos datos que constan na mesma ante os organismos ou entidades correspondentes.

Cada solicitude deberá ir acompañada da seguinte documentación:

- 1) Fotocopia do DNI de tódolos membros da unidade familiar maiores de idade.
- 2) Fotocopia do Libro de Familia.
- 3) Certificado padronal onde conste que tódolos membros da unidade familiar residen no municipio de Folgoso do Courel.
- 4) Copia da matrícula do curso 2023.
- 5) Declaración responsable onde conste que o/a alumno/a non ten ingresos propios.
- 6) Declaración responsable asinada polo solicitante da axuda na cal se manifeste que tódolos membros da unidade familiar se encontran ao corrente no cumprimento das súas obrigas tributarias e coa Seguridade Social, e co Concello, e que ningún deles se encontra incurso en ningunha das prohibicións para contratar.
- 7) Declaración doutras axudas solicitadas ou concedidas para a mesma actuación.





Concello de Folgoso do Courel

- 8) Datos bancarios da conta na que, no seu caso, se transferirá o importe da subvención, na cal deberá figurar como titular algún dos representantes legais do/a beneficiario/a ou o propio beneficiario/a da subvención, debidamente **certificada** pola entidade bancaria.
- 9) **Xustificación documental do gasto realizado para dar cobertura, durante o ano 2023, aos custos por desprazamentos realizados dende o municipio de Folgoso do Courel ata o municipio no que se encontre o centro de estudos correspondente en cada caso. A tal efecto, consideraranse admisibles: facturas de medios de transporte públicos ou privados nas que se recolla expresamente a orixe e o destino e o importe sufragado. No caso de emprego de vehículo privado, deberase achegar unha declaración responsable asinada, ben polo alumno, se fora maior de idade, ben polo representante legal, en caso contrario, na cal se manifeste expresamente, baixo a súa responsabilidade:**
- **O número exacto de viaxes realizados dende o municipio de orixe ata o municipio no que se encontre o centro de ensinanza no que o alumno estea cursando estudos, co detalle dos quilómetros realizados en cada un deles; e**
 - **A declaración expresa polo asinante de que eses viaxes realizáronse coa finalidade de transportar ao alumno ao municipio no que se encontre o centro de estudos.**
 - **Para a cuantificación económica da quilometraxe terase en conta o disposto na Orde HFP/793/2023, do 12 de xullo, pola que se revisa o importe da indemnización por uso de vehículo particular establecida no Real Decreto 462/2002, do 24 de maio, sobre indemnizacións por razón do servizo, que aplica o importe de 0,26 € por quilómetro.**
- 10) Calquera outro documento que se considere de interese para a mellor avaliación da subvención e calquera outra documentación que lle sexa solicitada polo Concello en relación co outorgamento da subvención.

5.- PUBLICIDADE

A convocatoria destas axudas publicarase no Boletín Oficial da Provincia, na sede electrónica do Concello e na Base de Datos Nacional de Subvencións e farase por Decreto da Alcaldía.

6.- PROCEDEMENTO

O órgano competente para a concesión das axudas será a ALCALDÍA, previo informe da INTERVENCIÓN MUNICIPAL.

O acordo de concesión ou denegación será motivado, quedando constancia no expediente dos fundamentos da Resolución que se adopte. As axudas concedidas notificaranse individualmente no prazo máximo de tres meses, a contar dende a finalización do prazo de presentación de solicitudes, e en todo caso antes do 31 de decembro de 2023, e publicaranse no taboleiro de anuncios do concello.





Concello de Folgoso do Courel

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do Concello, poderá dar lugar á modificación da resolución.

7.- XUSTIFICACIÓN E PAGAMENTO

O pagamento destas axudas realizarase mediante transferencia bancaria, tra-la súa xustificación por medio da presentación da documentación prevista no apartado 4.3 das presentes bases reguladoras.

